

NO KE KAMELO.

Ua like ke kiekie o ke Kamelo, me ke kanaka, a ua kiekie aku kekahi Kamelo. He lio loihi no hoi ia. Eono kapuai kona kiekie, he umi ka loa. Eono a me ka hapa ke k ekieo kekahi a he 12 ka loa.

He mea ahinahina ke Kamelo, ua ulaula iki ma ke kua a ma na aoao. Malalo o ka ai, a ma ka umauma, aneane keokeo.

He kuapuu ino loa ia lio ke nana aku. Ua loihi na wawae; a ua poepoe ke kino: loihi kona ai a keke loe: uuku ke poo a ua ino: a me ke kua, he puu nui, me he kuapuu ia. Ua hemahema loa kona hele ana ke nana aku, no ka mea ua like ka oni ana o ke poo a me ka ai, me ka mea i hoeha ia, a ua like kona hele ana, me ka mea i eha na wawae.

Ua hanaia kona mau wawae e hele ma ke one wale no. Ua palahalaha, a ua palupalu.

Ina hele ma kahi lepo pahee, alaila pakika; ina hele ma kahi an, alaila eha loa na wawae.

Ma Asia, a ma Aferika wale no kahi e ola'i ke Kamelo. Ma Arabia, a ma ka aoao hema o Asia, kahi e loa nui ai, ma kahi i nui ai ke one, a ma kahi hiki pono ole ai na holoholona e ke hele.

O na mea ulu, oia wale no i kana mea ai, o ka mauu, o ka mauu maloo, o ke kurina, o ka hua palaoa, a e ai no hoi ia i ka puakala a me ke kakalaioa.

He lio waiwai loa ke Kamelo. Ma Arabia, oia ka lio, a me ka bipi, a me ke kao, a me ka hipa, a me ka moku.

No ka mea, he waiu no, e like me ka bipi a me ke kao. A me ia no lakou e hana'i i ka bata, a me ka waiupaa. Ma kona kua, ua huluhulu no e like me ka hipa, a me ia no lakou e hana'i i ka liole. Ma kona kua no e holoholo ai ke kanaka, e like me ka lio; a no kona lawe ana i ka ukana kaumaha loa ma kahi loihi, ua like no me ka moku.

Ma na auakua o Arabia aole waiwai e ae e pomaikai ai ke kanaka e like me ke Kamelo. Oia wale no ka lio e hiki ai ke kanaka ke hele maloko o ia mau auakua, a puka i kela aoao. E lawe no ke Kamelo i ka ukana kaumaha ma kona kua, a nana mai no ka waiu, ka mea ai na kona kahu. Nolaia, ina i hele lakou ma ke auakua aole lakou lawe nui i ka ai, na ke Kamelo mai ka ai. He papu kolaila auakua, he one wale no, aole wai, aole ai, aole lauu, aole mea ulu.

Ua hanaia p ha ke Kamelo na ia poe kanaka, ka poe i noho kokoke ia mau auakua. No ka mea, i kona hoomakaukau ana e hele, inu nui oia i ka wai, alaila, aole makewai hou no na hebedoma elua, a pela e hiki ai ke hele a hiki loa i kela aoao o ke auakua.

E like me kona hoomanawanui ana i ka wai, aneane pela ka ai. No ka mea, i kona manawa e hele ai, aole ia e ai nui, he uuku wale no. He mau popo palaoa uuku, a maloo loa, oia wale no ka ke kahu i haawi aku ai ia ia. Ua lawe ia ia me maloko o ka eke ma ke kua o ke Kamelo. A ina i loa ia ia i ka po: kekahi kakalaioa iki ua pomaikai ia. Pela e hele ai ke Kamelo, a loihi loa ka hele ana.

E hiki no i ke Kamelo uuku ke lawe i 500 paona, a e hiki no i ke Kamelo nui ke lawe i 1000 paona ma kona kua, a hiki loa no i kela aoao o ke auakua.

Loihi ka hele ana o ke Kamelo i ka la hookahi, pokole ko ka lio maoli. Ina o kahi koloke, e hiki wawe ka lio; he mama ia; aka, ina he wahi loihi, alaila, o ke Kamelo ka mea hiki wawe.

Ua hoaoia ke Kamelo ma kau wahi o Europa. Ua lawe ia oia malaila, a ua hoohanaia; aole nae i pono. Ua maopopo ka manao o ka Mea nana ia i hana, no Arabia wale no ia lio, a no Aigupita a no na aina mahana kahi i nui ai ke one. Aole pono o Europa, no ka mea, ua oolea na alanui, a ua pa-

hee i kekahi manawa, a nui ke anu o ka hooilo, a pela no o Amerika Huipua. Nolaia, aole pono ke Kamelo malaila.

Aole like iki ke Kamelo me ka lio maoli. O ka lio, ua mai ai kona poo, a me kona ai, a me kona kua, aka, o ke Kamelo, he ino ke poo, he keeke ka ai, a he kuapuu ino loa ke kua. He loihi ke kapuai o ke Kamelo, a he palahalaha, a he palupalu. Ua poepoe ka lio o ka uoolea. He oho ka lio ko ka lio, he piipi inoino ko ke Kamelo. Aole loa i like na helehelena o ke Kamelo me ko ka lio. He ino wale no ko ke Kamelo, o ka maka nee ka i maikai iki; he maikai wale no ko ka lio, ua mahaloia.

O ke Kamelo wale no ka mea hiki ke hele mana auakua nui me ka inu ole i ka wai.

He inoino loa ke Kamelo ke nana aku, he mea e ka maikai o kana hana ana.

Ua oi aku kona ahonui a me kona lokomaikai mamua o ko na lio a pau. I manao ke ka u e ee maluna, kukuli no ke u, a noho pono ke kahu, alaila ala mai iluna, a hele. E hele no ia ma kahi i wela nui ai ka la, mai ke ao a po ka la, aole i ai, aole inu. A i loa uuku ia ia ka ai i ka po, aole ia e manao ino; ala hou no i kakahiaka nui, a hele me ka i ai ka.

O ka moolelo no ke Kamelo, he mea ia e ao mai ai i ke kanaka. Ke ao mai nei ia ia kakou, aole e pono ke manao nui i na he ehele na; aole malaila ka pono me ka hewa. He ino loa ke Kamelo ai ko ke kanaka maka; he maikai loa ka hoao ana. Ke ao mai nei ka moolelo no ke Kamelo ia kakou, he okoa ko waho okoa ko loko; no ka mea, ina i like ka hana ino ana a ke kamelo, me ka ino o kona helehelena, ina ua makau loa na kanaka ia ia. Aka, ina i like ka hana maikai ana a ke Tigi, me ka maikai o kona helehelena, ina ua makemae na kanaka a pau ia ia.